



Jadual Pembacaan Khutbah Jumaat

Siri 11/ 2024 (November 2024)

Bil	Tajuk	Tarikh
1.	<i>Childfree: Antara Sinar Iman Dan Samar Keyakinan</i>	1 November 2024M/ 29 Rabi'ulakhir 1446H
2.	Hargai Keluarga Sementara Masih Ada	8 November 2024M/ 6 Jamadilawal 1446H
3.	Berdamai Dengan Takdir	15 November 2024M/ 13 Jamadilawal 1446H
4.	Erti Hidup Pada Memberi	22 November 2024M/ 20 Jamadilawal 1446H
5.	Jihad Keringat	29 November 2024M/ 27 Jamadilawal 1446H
Khutbah Kedua		

دبببااءاءئ:



زكاة فولاو فبببغ

ءءربببءكن:



جابءن ءال إءوال اءام اسلام فولاو فبببغ

***Jawatankuasa Panel Semakan Teks Khutbah
Negeri Pulau Pinang***

- 1. SS Prof Madya Dato' Dr. Mohd Sukki bin Othman
(Pengerusi)**
Mufti Kerajaan Negeri Pulau Pinang
- 2. YBhg. Ustaz Muhammad Fadzil bin Alias**
Pengarah, Yayasan Dakwah Islamiyah (YADIM) Pulau Pinang
- 3. YBhg. Ustaz Ahmad bin Hashim**
Penasihat, Pusat Pengajian Tahfiz Al-Quran (PPTQ)
Kolej Islam Teknologi Antarabangsa Pulau Pinang (KITAB)
- 4. YBhg. Ustaz Subki bin Mohamed**
Mantan Pensyarah Kanan, IPG Kampus Tuanku Bainun
- 5. YBrs. Dr. Mohamad Zaki bin Hj Abdul Halim**
Penolong Mufti, Bahagian Fatwa,
Jabatan Mufti Negeri Negeri Pulau Pinang
- 6. YBhg. Ustazah Rohayati binti Daud**
Mantan Penyelaras Program Intervensi Kaunseling,
Universiti Sains Malaysia
- 7. YBhg. Ustaz Ahmad Shahimi bin Senawi**
Pendakwah
- 8. Ustaz Mohd Hanif bin Omar @ Wahab
(Setiausaha)**
Ketua Penolong Pengarah, Bahagian Dakwah
Jabatan Hal Ehwal Agama Islam Pulau Pinang (JHEAIPP)





Jihad Keringat

29 November 2024M/ 27 Jamadilawal 1446H

أَلْحَمْدُ لِلَّهِ الْقَائِلِ: وَلَا تَأْكُلُوا أَمْوَالَكُمْ بَيْنَكُمْ بِالْبَاطِلِ وَتُدْلُوا بِهَا إِلَى الْحُكْمِ
لِتَأْكُلُوا فَرِيقًا مِّنْ أَمْوَالِ النَّاسِ بِالْإِثْمِ وَأَنْتُمْ تَعْلَمُونَ ﴿١٧٨﴾ سورة البقرة
أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ.
اللَّهُمَّ صَلِّ وَسَلِّمْ عَلَى نَبِيِّنَا مُحَمَّدٍ وَعَلَى آلِهِ وَصَحْبِهِ وَمَنْ دَعَا بِدَعْوَتِهِ إِلَى يَوْمِ
الدِّينِ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ، أَوْصِيكُمْ وَنَفْسِي بِتَقْوَى اللَّهِ وَطَاعَتِهِ لَعَلَّكُمْ
تُفْلِحُونَ.

SIDANG JUMAAT YANG DIKASIHI ALLAH,

Di kesempatan yang penuh kemuliaan ini, khatib berpesan kepada diri sendiri serta para jemaah sekalian, bertakwalah sekalian kamu kepada Allah dengan sebenar-benar taqwa. Moga-moga rahmat dan kebaikan daripada-Nya akan sentiasa memayungi kehidupan kita di dunia yang sementara ini.

Khatib mengingatkan para jemaah agar memberikan sepenuh perhatian kepada khutbah yang akan disampaikan dan tidak melakukan perkara yang sia-sia. Alangkah ruginya kita yang sudah berada di dalam masjid ini, tetapi masih terleka dengan urusan dunia.

SIDANG JEMAAH YANG DIRAHMATI ALLAH,



Setiap hari kita bangun dan keluar bekerja demi mengisi perut isteri dan anak-anak. Dalam masa yang sama, dengan sumber pendapatan kita setiap bulan, dapatlah kita meneruskan kehidupan bagi memenuhi keperluan dan kehendak kita seiring dengan zaman. Sama ada kita suka atau tidak, banyak atau sedikit yang kita dapatkan, sukar atau mudah, hari-hari yang kita tempuh demi secebis rezeki buat ahli keluarga, sudah pasti dijanjikan pahala oleh Allah nanti. Justeru, khatib pada hari ini akan melantunkan khutbah bertajuk: “**Jihad Keringat.**”

SIDANG JUMAAT SEKALIAN,

Islam adalah agama yang merangkumi seluruh aspek kehidupan termasuklah dalam ehwal *maliyah* (مَالِيَّةٌ) iaitu mencari rezeki. Begitulah syumulnya Islam, agama yang kita anuti ini. Justeru, dalam usaha mencari rezeki ini, Nabi صَلَّى اللهُ عَلَيْهِ وَسَلَّمَ sendiri menyatakan:

مَا كَسَبَ الرَّجُلُ كَسْبًا أَطْيَبَ مِنْ عَمَلٍ يَدِهِ وَمَا أَنْفَقَ الرَّجُلُ عَلَى نَفْسِهِ وَأَهْلِهِ
وَوَلَدِهِ وَخَادِمِهِ فَهُوَ صَدَقَةٌ

Maksudnya: “*Tidak ada yang lebih baik dari usaha seorang lelaki kecuali daripada hasil tenaganya sendiri. Apa-apa yang dibelanjakan oleh seseorang itu untuk dirinya, isterinya, anaknya, pembantunya maka itu adalah sedekah.*”

﴿Hadis Riwayat Ibnu Majah﴾

Cukuplah hadis ini menjelaskan bahawa setiap apa yang kita usahakan untuk memperoleh rezeki yang halal dibawa pulang adalah sedekah. Apabila disebutkan sedekah, maka sudah tentu dijanjikan



pahala yang berlipat ganda dan sudah pasti keberkatan turut mengiringi rezeki tersebut. Mencari rezeki yang halal hukumnya adalah wajib.

SIDANG JUMAAT RAHIMAKUMULLAH,

Kita sering didedahkan di akhbar dan media sosial betapa ramainya ketua keluarga yang maut berjihad mencari sesuap rezeki yang halal. Sesungguhnya, kematian-kematian seperti ini tidaklah sia-sia. Seperti yang dijelaskan oleh sebahagian ulamak, mereka yang dipilih Allah *سُبْحَانَهُ وَتَعَالَى* ini bakal mendapat ganjaran pahala syahid akhirat. Hal ini kerana mereka mati dalam keadaan berjuang mencari rezeki yang halal, untuk kehidupan kepada anak dan isteri, menafkahkan diri dan anak-anak serta menyumbangkan serba sedikit pendapatannya bagi tujuan agama seperti zakat dan sedekah.

Dalam kitab Hasyiah Ar-Raudhu Al-Murbi' (*حَاشِيَةِ الرَّؤُضِ الْمُرْبِغِ*) menyebutkan, di antara golongan yang mendapat syahid akhirat ialah orang yang mati ketika menuntut ilmu sama ada melalui penulisan, pengajaran atau menghadiri majlis ilmu. Imam Al-Aajuri pula mengatakan bilangan sehingga 30 golongan dan antaranya juga orang yang keluar mencari nafkah untuk orang yang di bawah tanggungannya.

SIDANG JUMAAT SEKALIAN,

Islam telah menetapkan sempadan-sempadan tertentu dalam setiap pekerjaan. Sama ada kita bertugas di sektor perkhidmatan atau perniagaan, Islam telah menetapkan sempadan dan tatacaranya. Jika kita bekerja di sektor perkhidmatan, maka jangan sesekali mengambil rasuah, culas dalam tanggungjawab, poteng kerja, tidak menjaga masa bekerja



dan menggunakan pangkat untuk mendapat sesuatu habuan atau salah guna kuasa serta menekan orang dengan kuasanya.

Jika kita berniaga atau memakan daripada apa sahaja yang berunsurkan keuntungan, maka jangan sesekali terlibat dengan riba' walaupun sekecil-kecil jumlahnya, menyertai pelaburan yang tidak patuh syariah, menipu timbangan dan sukatan, menipu pelanggan dengan iklan yang tidak benar (*scam*), menjual barang-barang yang ditegah syara' seperti arak, dadah dan sebagainya, membuat urusan jual beli yang gharar (غَرَارٌ) atau tidak jelas dan bermacam-macam lagi urusan yang batil. Allah **سُبْحَانَهُ وَتَعَالَى** berfirman dalam dalam surah al-Baqarah ayat 188 yang bermaksud:

“Dan janganlah sebahagian kamu memakan harta sebahagian yang lain di antara kamu dengan jalan yang batil dan (janganlah) kamu membawa (urusan) harta itu kepada hakim, supaya kamu dapat memakan sebahagian daripada harta benda orang lain itu dengan (jalan berbuat) dosa, padahal kamu mengetahui.”

SIDANG JUMAAT SEKALIAN,

Khatib menyeru agar sidang jemaah sekalian mendengar saranan seperti berikut:

Pertama: Perelokkan niat ketika hendak keluar bekerja. Serahkanlah segala kudrat dan buah fikiran kepada Allah. Perbanyakkan zikir semasa dalam perjalanan ke tempat kerja agar beroleh ketenangan dan mendapat kejayaan pada hari tersebut.



Kedua: Bekerjalah dengan amanah agar pendapat yang diterima mengundang keberkatan. Jangan mengambil setiap sen dengan cara yang tidak dibenarkan syara'. Jangan membawa sedikitpun rezeki yang tidak halal masuk ke rumah atau masuk ke dalam perut ahli keluarga kita.

Ketiga: Buat para suami dan ayah-ayah yang sedang berjuang mencari rezeki memerah keringat dan akal, ketahuilah bahawa setiap usaha dan penat lelah itu menjadi asbab anak-anak dapat bersekolah, isteri dapat bersalin pakaian, menyediakan tempat berteduh agar ahli keluarga hidup serba cukup dan selesa. Itu semua adalah jihad.

Teruskan perjuangan semata-mata kerana Allah. Mudah-mudahan, keletihan dan air mata anda akan terbayar di akhirat nanti. Amin.

Firman Allah dalam surah al-Asr:

أَعُوذُ بِاللَّهِ مِنَ الشَّيْطَانِ الرَّجِيمِ

بِسْمِ اللَّهِ الرَّحْمَنِ الرَّحِيمِ

وَالْعَصْرِ ① إِنَّ الْإِنْسَانَ لَفِي خُسْرٍ ② إِلَّا الَّذِينَ ءَامَنُوا وَعَمِلُوا الصَّالِحَاتِ وَتَوَّصُوا بِالحَقِّ

وَتَوَّصُوا بِالصَّبْرِ ③

Maksudnya: “Demi masa, sesungguhnya manusia itu dalam kerugian, kecuali orang-orang yang beriman dan beramal soleh, dan mereka pula berpesan-pesan dengan kebenaran serta berpesan-pesan dengan sabar.”



بَارَكَ اللهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي وَإِيَّاكُمْ بِهَدْيِ سَيِّدِ الْمُرْسَلِينَ،
أَقُولُ مَا سَمِعْتُمْ، وَأَسْتَغْفِرُ اللهَ لِي وَلَكُمْ، وَلِسَائِرِ الْمُسْلِمِينَ مِنْ كُلِّ ذَنْبٍ،
فَاسْتَغْفِرُوهُ، إِنَّهُ هُوَ الْعَفُورُ الرَّحِيمُ.





Khutbah Kedua

2024M/1446H

الْحَمْدُ لِلَّهِ عَلَىٰ آلِهِ وَآحْسَانِهِ، وَالشُّكْرُ لَهُ عَلَىٰ تَوْفِيقِهِ وَامْتِنَانِهِ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعْظِيمًا لِشَأْنِهِ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَىٰ رِضْوَانِهِ.

صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،
وَزِنَةَ عَرْشِهِ وَمِدَادَ كَلِمَاتِهِ.

أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ، وَاعْمَلُوا بِطَاعَتِهِ
وَمَرْضَاتِهِ، ثُمَّ اْعَلَمُوا أَنَّ اللَّهَ سُبْحَانَهُ وَتَعَالَى أَمْرُكُمْ بِأَمْرٍ بَدَأَ فِيهِ بِنَفْسِهِ؛ فَقَالَ عَلِيمًا
حَكِيمًا:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾

[الأحزاب: 56]

اللَّهُمَّ صَلِّ عَلَى سَيِّدِنَا مُحَمَّدٍ وَعَلَى آلِ سَيِّدِنَا مُحَمَّدٍ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ
وَالْأَمْوَاتِ،

اللَّهُمَّ اَعِزَّ الْإِسْلَامَ وَالْمُسْلِمِينَ، وَدَمِّرْ أَعْدَاءَكَ أَعْدَاءَ الدِّينِ وَأَنْصِرْ مَنْ نَصَرَ
الدِّينَ، وَاخْذُلْ مَنْ خَذَلَ الْمُسْلِمِينَ، وَأَعْلِ كَلِمَتَكَ إِلَى يَوْمِ الدِّينِ.

اللَّهُمَّ أَنْصِرْ إِخْوَانَنَا الْمُسْلِمِينَ وَالْمُجَاهِدِينَ وَالْمُسْتَضْعَفِينَ فِي فَلَسْطِينَ وَفِي كُلِّ
مَكَانٍ، اللَّهُمَّ ثَبِّتْ إِيمَانَهُمْ وَأَنْزِلِ السَّكِينَةَ فِي قُلُوبِهِمْ وَوَحِّدْ صُفُوفَهُمْ.

اللَّهُمَّ وَفِّقْ قَادَتَنَا وَرُعَمَاءَنَا وَوُلَاةَ أُمُورِنَا لِمَا فِيهِ عِزُّ دِينِكَ وَنَصْرُ شَرِيعَتِكَ،



اللَّهُمَّ اجْعَلْهُمْ هُدَاةً مُهْتَدِينَ صَالِحِينَ مُصْلِحِينَ وَاشْمَلِ اللَّهُمَّ بِعِنَايَتِكَ
وَتَوْفِيقِكَ عَلَى صَاحِبِ الْجَلَالَةِ،

Kebawah Duli Yang Maha Mulia Seri Paduka Baginda Yang di-Pertuan Agong, Sultan Ibrahim dan Kebawah Duli Yang Maha Mulia Seri Paduka Baginda Raja Permaisuri Agong, Raja Zarith Sofiah.

وَكَذَلِكَ صَاحِبِ الْفَخَامَةِ،

Tun Ahmad Fuzi Haji Abdul Razak, Yang di-Pertua Negeri Pulau Pinang dan Yang Amat Berbahagia Toh Puan Khadijah Mohd Noor.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرَّبَا وَالزُّنَا وَالزَّلَازِلَ وَالْمِحْنَ وَسُوءَ
الْفِتَنِ مَا ظَهَرَ مِنْهَا وَمَا بَطَنَ عَن بَلَدِنَا هَذَا خَاصَّةً، وَعَن سَائِرِ بِلَادِ الْمُسْلِمِينَ
عَامَّةً يَا رَبَّ الْعَالَمِينَ.

Ya Allah! Dengan sifat-Mu yang Maha Pemurah dan Maha Penyayang; Jadikanlah kami dan keturunan kami orang-orang yang istiqamah mendirikan solat secara berjemaah, mengeluarkan zakat melalui Zakat Pulau Pinang dan melaksanakan waqaf melalui Wakaf Pulau Pinang. Rahmatilah jua para pembayar zakat dan pewakaf sekalian, serta berkatilah usaha Kerajaan Negeri melalui Majlis Agama Islam Negeri Pulau Pinang dalam usaha mewujudkan keseimbangan sosio-ekonomi ummah di negeri yang tercinta ini.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايِ ذِي الْقُرْبَى وَيَنْهَى عَنِ الْفَحْشَاءِ
وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿٥١﴾ فَادْكُرُوا اللَّهَ الْجَلِيلَ
يَذْكُرْكُمْ، وَاشْكُرُواهُ عَلَى نِعَمِهِ يَزِدْكُمْ، وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ ﴿٥٢﴾

